

THRU THE BIBLE MINISTRIES

BROADCAST SCRIPT

Programme ID: n°0073

Language: Baoulé

Book (livre): Matie 3 :5-4 :1

Ndɛtre 3

I mma 5-6

?Nzu like ye ɔ cuɛn sran kaka-ɔ? Blɛ nga tɔkpɛfue'm, nin sriman yifue'm, jue tofue o, be yo be ninngɛ mun nzra nun, Olimpia lika wunmuan ɔ yi.

Sɛ awa sran dan kun ba ijɔlɛ nzranun, i kusu, cuɛn sran mun ekun, sanngɛ nan kɛ i sɔ yoli-ɔ. Sate yolɛ kusu cuɛn sran mun wie, kɛ nvle kun ngɔ o sa nan nvle nun mma mun ye be kpa be kpɛn nan sɛ, sran kun annzɛ kpɛn kun jaso nan i wa ɔ su wa pɔtɔɔ kpɛ ndɛnnan dan wie ba, sanngɛ sran'm be kan-man ndɛ ngboko.

Sanngɛ, sɛ sran yalɛfue wie su kan nyanmien i jɔlɛ nga ɔ'a di sran'm be ndɛ, lika bliin wie nun, bɔ kan sran'm be awlɛn, sran wie'm be fɛ i to mma, be yo i finfin. Ikusu, sran fanu-fanu wie'm be liɛ ɔ'a yo-man ye. Zan Baptist liɛ i junman liɛ yoli ye, ɔ in i jasin fɛ kan bɔ ti kpe sanngɛ ɔ wluli sran'm be wun ; i waan : Amun koko amun sate mun, sɛ ɔ'a yo-man sɔ'n Nyanmien di amun jɔlɛ tɛ kpa.

Nte su Matie ndɛ tre nsan i su nin kannganlɛ :

⁵Zerizalɛmfue mun nin Zide mɛn nunfus'n kwlaa, be nin be bɔ be fin Zurdɛn bue liɛ'n kwlaa su'n, be bɛli i wun lɛ. ⁶Kɛ be di sa nga be yoli'n i nanwɛlɛ'n, ɔ yo be batɛm nzue ba bɔ be flɛ i kɛ Zurdɛn'n i nun.(Matie 3v5-6)

Amun nian, sran'm be bak aka kpa, sanngɛ be nanti ye be ba. Zan Baptist ɔ'a ko tua man balɔn tole wie ɔ'a sɔ man be wun, i kusu, ɔ lɛ-man asɔnun sua. Ye sran fi ɔ'a flɛ men i kɛ ɔ'a kan nyanmien ndɛ i asɔnun liɛ nun.

Amun nian bɔbɔ, ɔ nun-man klowa, ɔ o aawle flennen nun lo. Sran kwlaa ngɔkunnde ke onin Nyanmien be wla sa, nan ɔ yaki i sate ce i Zan Baptist sin ye ɔ fata ke ɔ wo-ɔ, afin Nyanmien i Wawe o i nun.

Moise i mmla ɔ yi anyia yale i nglo, saange, sran'm be Zurden nzue nun wlale ke Zan Batist fa yo sa'n, ba wunmen i so lie annuannze laa nun. Ke sran'm be kplinnin su ke Zan yo be batem, ɔ kle ke, be kplin su ke be ti sate yofue Nyanmien nyrun. Oti sate koko i nzolie, ɔ man ɔ fin be nuan fite ke ba fon mmla, Moiz i mmla. Sran nga be wle i nzue nun ɔ kplin su ke ɔ kaci i nguan, ɔ kaci i sin si i laa nzuen tete mun nano fa anyie man Nyanmien i mmla bo kali le lele nan Nyanmien Wawe ɔ'a jra pantekote cen nun.

I mma 7-9

Nte su i su nin kannganle :

*7Ke ɔ wunnin ke *Farizifue nin Sadisefue kpanngban be ba ke yo be batem'n, ɔ usali be ke: «?Onda mma mun, wan ye seli amun ke an wanndi Nyanmien i ya b'o wa jao'n i bo-ɔ ? 8An yo sa kpa b'o kle ke amu'an kaci amun nzuen'n, amun yo ke waka kpa b'o su mma kpa'n sa. 9Nan an bu amun anwlen'n nun se ke : «E nannan yele Abraam,» afin n kan kle amun ke Nyanmien kwla fa yebue nga mun kaci Abraam mma mun.»(Matie 3v7-9)*

Nian ke ɔ fu en un so ! Sran ngo ba aawle flennen nun nan Zan yo i batem. Amun nian wafa nga Zan-batem yofue fa soli sran kpa nga be su ko i osu nianle be nun-on. Ce kwlaa nga amun wlu asonun kun nun, se Nyanmien bo i bo nin : onda kpo mun (race de vipere) nin sie-sie ɔ wun afin osu o-man kpa mlɔnmlɔn cen so nun, san a se ke ba wa ɔ yi ase, afin ati sran dan. Zan Batist sro-man sran, ye ɔ sro-man sran'm be imma'n. O'a se-man ke ɔ ijɔnan i wun yo sran'm be fe, se ɔ wuoli wo o, i nde nunman nun, kaci nin wa wie.

Annde ble nga su'n, farizienfue'm be nzuen ɔ'a tru Kristfue'm be afien dan. Be nga be fa be wun cici be nannan be nzuen, be laa ninngemun, be anya tinngele,

be ijole nin be nyolie mun, sanngɛ, be klo-man Nyanmien ndɛ nanwlɛ. Ndɛ nanwlɛ nga Zan Batist kan kle ye boyɛɛ : **An n fa nyolie kpa uka ijole su. Amun yi i nglo amun nzuen nun kɛ amun a kaci amun nguan.**

Man dunmua kan saduceefue'm be wun ndɛ. Be se be wun kɛ be si Nyanmien sanngɛ, nga bo jo-man be klun nyanmien ndɛ nun, be di-man su, be yi i blo. Be kusu be o e afien ndɛ wie, ye be sonnin kpa lie. Be ti sran bo be waan nyanmien ndɛ i ble o'a sin, o ti laa ndɛ mun. Anndɛ awa ninngɛ mun nin sika kundɛɛ nga be o Krist nun ye o lo be-o.

Farisfue'm nin Sadducefue'm be jran sa nyon su : I klikli su'n, be bu i kɛ sɛ be kpin su nan be yo be batem o yo be wun sa ye Nyanmien nyrun. Oti kɛ sran fa tanpon o'a tɛ i ti kɛ su sa kanan o wlu lika nga be kan ngua lo sa. I so akunndan lie okan e yifue nin nglo nin asie'm be yifue i ya, afin o ti kɛ e nin i e su di wua sa.

I nyon su, sufue gblefue so'm be bu i kɛ be osu nu naja nga be le i le o kwla yo nan be su di-man be jole ble kasien nun. Talmud bo ti Zuif'm be nyanmien sule nzuen sɛ kɛ, san paenfue'm ye be yi be avanayan sin bo nuan-man-o. Ela be ase !

Zan Batist nian be ye be su ba m mua lo ye, ye o fali i ijole kekɛ nin-on. Nan o jran'n be akunndan tɛ'n i nyrun, o fali fo bule ndɛ fa kpali be atin, kɛ o ko yo nan ba jaso be wun lakale nzuen tɛ so'n nun ti'n, bo wa kaci be nzuen, nan be tinngɛ, yeɛ kɛ be ti yalefue wawe nun, ye be yaki sika klolɛ be klo sran.

Zan Batist seli be kɛ, wafa nga be fa yobue kaka fa kplan sua i so ye Nyanmien o'a yo-o. Nyanmien le tinmin kɛ o fa sran ufle wie mun uke i nvle su, ye onunnun be nga be su-man mm akpa, tɛ kokolɛ mma mun, bonan Abraam i anunman kpa mun, bo be o ato nun, nin gble nun. Kɛ e ti i so ndɛ mun bo Zan Batem yofue kan be, e wun sa ti bo ba klo-men i sa mlonmlon.

I mma 10

Nte su ndɛ i kanngalɛ su :

Kpelié'n ɔ'a kan waka olui'n, ɔ man waka kwlaa nga i mma'n ti-man kpa'n, be kpe i gua sin'n nun. (Matie 3v10)

Anuanze ufle ɔ jran mm akpa sule su cinjin kpa lie su, waka kun i kpa bo fin e wun i mma ngo su i nun. Min wla kpen su ke ble kun juli bo n tali domi waka fanu-fanunyɔn. Kun suli mma fefe kpa, sanngɛ kun mma lie be yo-man fe, sanngɛ waka nyɔn so'm be mantan sule, ye n mannin be lika lika wle, n yoli wafa nga n ko yo, sanngɛ, ɔ'a kaci-man. Waka klikli i mma yo fe sanngɛ waka nyɔn su i mma'n ɔ yo-man fe mlɔnmlɔn. ɔ man n fali ajale ke n kpe waka tefue i bo, n tu i bo mlɔnmlɔn ye n fa yo yé, n wɔnun. Sanngɛ e a yoli su i ate kanan ya min jale dile i nuan.

Zan Batem yofue, i fo bule nde mun be ti Zerizalem klo lie, afin ke afue ablannan ko sin Rɔmenfue'm be wa bubu i mlɔnmlɔn. Nanwle, Zan batem yofue so'n, ɔ ti sran bo yo sro, bo ti atrefue, bo ti-man ke sran nga be sa wie. Sran kaka ba nyanman i so siele le ke i sa Izrael lo, lika, nin nlve'm be kwlaa ben un sran'm be bak aka, aawle flennen nun, be a koko be sate mun, ye be tie i nuan nde mun. Nyanmien wa di-man sran fi wun lalo dan ke Zan batem yofue sa.

Jasin fe ufle kun nun, Jésus fleli kpajale, waka nga i ti nunkpaja. Matie nun e nyrun lo, Jésus ɔ'a se i ke man n kanngan :**Be kwlaa nga bla ye ɔ wuli be, ben un wie fi dan tra-man Zan batem yofue.** I juman lie ɔ'a cen ngboko, ɔ dili annglo douun kan. Amun wun Nyanmien i tin min, wafa ngo fa wun ninngɛ mun nin e lieti-man kun. ɔ man nan afue nga ya di i junman nin junman faaa nga e di boman e nyanman ble ye ɔ lo Nyanmien-ɔn.

Ngɔ ti cinjin ke e tre i ase Zan batem yofue i nguan nun yele like bo man Jésus kloli i sa. I klikli su'n, i kekle jranle, nin fanngan bo le, i nyanmien i nde nanwle bo kan.

Nyanmien fali i so junman mennin i afin ɔ wunnin ke ɔ ti sran kun bo kpoci-men i mlɔnmlɔn. I nyɔn su, i wun ase kanle Jésus bo, nin wafa nga fa soli i nun, sran'm

be kwlaa be nyrun ɔ kennin i wun ase, nan ɔ'a se ke, ɔ kwla nyanngi-man Krist i ngbabua i nyanman.

Sran fi klo-man ke be fe i aja, i kusu, ble nga Zan i akoto be wla bo be wun, i bobo se be ke : ɔ **nin fata ke Jésus dunman fu nan i Zan dunman lie kan'n ase.**

Nsan su, Nyanmien Wawe o i nun, Zan batem yofue, kungba ce ye Nyanmien wawe yili, ble nga ɔ te o i nin klun lo (Jésus), ke e sie Jésus bue kun, ke Lik fluwa se ye so. I wafa ngo fati i ngumin ɔ fin Nyanmien Wawe bo sie i.

Be sonnzon i ɔ yo ye Zan batem yofue, nan sran ngben nin wunnen nun sran ye ɔ kan Nyanmien Wawe i nde sran kun nguan nun-on.

Afin Zan batem yofue, ɔ yi-man atre fi. I bobole nun, ɔ ti wun ase kanfue Nyanmien Wawe bo. Akoto'm be nyolie fluwa nun, bo Lik ye ɔ kleli, be kwlaa nga Nyanmien Wawe yili be, fa be nyanmien nde kanle kle ye ke Zan batem yofue i lie sa. Man e su Matie jasin fe i kannganle su.

I mma 11-12

*«¹¹N lie'n, n yo amun batem nzue'n nun ke an kaci amun nzue'n, sanngɛ sran ng'o o sien b'o su ba'n, ɔ le tinmin tra min. Min nin i ngbabua'n i suale fata-man. I lie'n, ɔ wa fa Nyanmien Wawe'n nin sin yo amun batem. ¹²Inene'n wo i sa nun, ɔ wa kpeje i *ble'n b'o o i bowle nun'n lele ɔ wie, ɔ isa gue i tanngannin'nnun, ye ɔ wo i wla'n nun sin b'o nuanman'n nun.»(Matie 3v11-12)*

Zan batem yofue, yili i wun nglo kesran bo ken i wun ase sa.

ɔ seli ke ɔ nin Jésus i ngbabua nyanman nyanjile fata-man. Ke be ko yi awie i wun bui, be fa gbale bo be fa kpaja awie be fa kpaja'n, kpekuun anngban fa i wun bui ko, ye awie mma kpa'n to asie wun.

Awie mma yeke Kristfue kpa'n, be nga be awlen nun o, be wunnen nun o be ti Abraam i anunman, i bo ti sulafifue'm be si'n. Gbogbo, yeke Nyanmien i famien

diwle, jole dile nga sran ngo ba Zan batem yofue i sin, Krist o'a kpa sran'm be nun.

Nyanmien Wawe o'a yi i wun nglo ke sin kun bo tu en un fien mun sa, ye ke o'a ba nvle nunfue'm be su'n, o bu Abraam i mma kpa nin te'm ben un nyen. Sin nga bo su nuanman le'n ye fo bule ngo ti Anannganman sin'n bo o nyanmien wun mua. E klomen i wun nde kanle yele o ti-man kpa. I sese, nin i saun nun, Nyanmien o'a bu sran'm be fo, ye o kpoci klunwifue'm, i sanwun bo ti'n ti o fali fobule wleli i i wa Jesus sa nun.

Nyanmien nde fluwa wunmuan nun, Jesus i nyanmien klele nun ye e wun Nyanmien i fobule nin i ya dan be wun nde mun-on.

I mma 13-15

Nte su i su nin kannganle

13Ye Jesus fin Galile men'n nun bali Zan wun le Zurden'n nuan le ke Zan o wa yo i batem. 14Sanngɛ Zan waan o kplin-man su, nan o'a se i ke : «Min ye o fata ke a yo min batem-on, sanngɛ a su n nin ke n yo w-o !» 15Jesus seli i ke :«Yaci, yo nde lie'n, afin o ti i su ke e yo sa kwlaa ng'o ti Nyanmien klun su'n.» Ye Zan yoli-o. (Matie 3v13-15)

Zan batem yofue i nde yo fe. I ye o fata ke be wlei nzue nun-on, Jesus-Krist lie o'a yo-man sa'n te, ye o ti Nyanmien i wa sanwun. Jesus lie i sa mian-man ke o koko i sate, afin oti sanwun. I kusu, o'a se-man ke Zan su bua ato, sanngɛ o ukali Zan nde su ke : so ye o nin fata ke e ya Nyanmien i jajale i nuan-o.

Ke o seli Zan ko yo i batem, J'sus su yi i wun ase kanle i nglo nan o ya Nyanmien jajale i nuan, afin Matie dunmua boli su kpe kaka. I waan obali fluwa nga be kleli be, be nuan yiale, ke be wu i e afien, Jesus yoli sran gben ke e sa.

O'a kplin-man su ke be o yo i wun nyanmien yolie, ble ngo dili i asie su wa nun Nyanmien Wawe ye o tinnngeli Jesus-o, o feli fa yoli i si klun sa'n. Kannze o ti-man cinjin ke be yo i batem bobo, sanngɛ i wun ase kanle nun, o yili i wun nglo

keo ti Izraelfue ye paenfue'm kwlaa nga be wun be sate mun bo be su minnde Nyanmien i famien diwle.

Jésus-Krist ti famien kun bo nin i sran'm ye be mantan-o, o fe i wun mantan be. I batem yole i bo sonnin, ke o kplin su ke be wle i nzue nun, i bo kle ke o su sua ifue'm be sate kwla-kwla.

I nyon su'n, o sub o wule ngo fata ke o wu be nga be a wun i ke o ti be Defue be dunman nun. Ke o fite nzue nun, o su bo i cenle bo kwlae nin i sulafifue'm be sate'm be nunyile, be su. I so nranun nyolie klikli so nun, Jésus yoli, kennin i wun ase nan o'a bo i Nyanmien junman i dile bo asie su wa.

Ble nga Kristfuekun yo i batem, nin o su yi i nglo sran kwlaa nyrun ke o nin Krist ba wu ye ba cen. O ti ajale kun tule, o ti lalo bo e di ke e lafi Jésus su klonglo. E nun i so yole o kaci like fi e nun sanngé, o ti e wun ase kanle i nzolie.

Ble nga Jésus i fama su'n awieufue o kpatali Jésus ke: «**Jésus, ble nga a wa di o famien'n, bu min akunndan.**»YeJésus kusu seli i ke: «**Nian, man n kan nde kun n kle wo, ndeken min nin wo e ju Nyanmien i lika klanman'n nun lo.**»(Lik 23v42-43).

I kusu, awieufue so'n ba yo-men i batem mlonmlon.

I mma 16-17

Man wie Matie ndetre nsan i kanngan:

Keo yoli Jésus batem b'o fin nzue'n nun fiteli ce'n, kpekuun nyanmien su lo'n i su tikeli muaan, Jésus wunnin Nyanmien Wawe'n, o jra ba ke auble sa, o wa trennin i su. ¹⁷*Kpekuun be tili sran kun nen nyanmien su b, o seli ke: «Min anwlen su ba'n ye, i su ye m'an fa n wla'n kwlaa m'an gua-o.»(Matie 3v16-17)*

Nyanmien Wawe i wun nglo yile so'n ti kasie kun i nuan yale, o nin nzolie nga nyanmien nde nun Zan batem yofue boli i kasie ke o ko yo nan sran ba wun Krist

i wle i nuan yale, o ti tinle, ninti su ngo wuale bo Nyanmien su fa wue i su ka nan o bo i nyanmien junman bo.

Ngɔ fite nun ekun, yele ke o yi Nyanmien i wun nglo yile wafa nsan'n be nglo. Ke Nyanmien wa fin nzue nun fite, nin Nyanmien Wawe jre i su, Nyanmien o'a fa Jesus o'a fa kle i nvle o nin men wunmuan.

O ti nyanmien bo kacili sran, ye Nyanmien ye sunmennin i-o. Nyanmien i timin o i su, ye i sielenin kwale o i sa nun, ke o ko yo nan o'a kwla di i junman ti. I junman so yele men i ti tole i sate, atobuale nun yile.

Matie ndetre nsan klikli, be fali Krist bleli ye, o bo i bo, i osu ngo fin nun su, i sin ngwlelefue ye i bobo kasien su, o feli i wun kleli ye.

Be nde nga be kannin be'n be ti kun: Jesus ye o ti Messi bo e su minnde nin-on.

Nde tre 4

I mma 1

E a ju Matie ndetre nnan su : *Ye Nyanmien Wawe'n fa Jesus oli aawle flennen nun b ke mmusu'm be si *Satan ko leke i. (Matie 4v1)*

Nyanmien Wawe fali Jesus-Krist oli aawle flennen nun lo, o yili i sran'm be nyrun keoko yo nan kpofueo'a se i o'a nian ti.

Nyanmien nde fluwa wunmuan yi i nglo ke kpofuesatan o o le. Krist lie, sin nun sa nianle ye o'a to i-o: i klunakunndan kpakpa'm be a fite nglo. Ble nga Nyanmien Sali Adam bo ti sran klikli niannin, Adam o'a nyan-man kwale, o fonnin. Grek anien nun, septante nun, satan dunman ibo yelesuen **tonfue**.

Ke e ko e nyrun loun kan, be fle i **sanianfue**. Anuannze ufle anien nun, ibo yele **sanianle**.

Nyanmien fa e sie i sanianle su ke o ko yo nan e sulafile wa taka, nan o tra ndin nan ye a nyan fanngan ye a kwla tra e awlen sa wie'm be nun, sanngɛ kpɔfue o lie o sa e nian nan e to mlɔnmlɔn.

Like kwlaa nga Nyanmien men i wun atin, e kpa yole ti-o, sanngɛ, kpɔfue i lie i waan o yo e tɛ. Anuannzɛ uflɛ i fluwa kun nun'n, be kleli ke: Sɛ be laka sran kun'n, nán man o se ke, Nyanmien ye o lekɛ i-o. Afin be kwl laka-man Nyanmien sa fi nun, ye i bobo laka-man sran fi. **(Zak 1v13)**

Nyanmien Sali Abraam niannin. I waan o fe i wa Izaak yi sraka men i. Sa nianle so, yele keAbraam se ke, o kplin-man su, ye o kwla se ke o kplin-man su. Sanngɛ o kplinnin su, ye o nyannin kwlaɛ, i so'n ti nan o'a kaci sulafifue'm be si, like kwlaa ngo ti kpa, bole wua kpan, be dunmua be di wun junman kpa, kpekuun be se be nian, se o ti saun tra be ngalemun.

I kunngba nin-on, o nin fata ke Jɛsus dunmua o kpɔfue i fie ngo dili nun lo ko nian. Be feli oli nan menfue mun b'a wun ke kpɔfue se i nian o yo-man ye. Nyanmien ye o kplinnin su so, ke o ko yo nan b'a wun ke i wa ti saun klonglo, o man i ye o kwla de men i ti-o.